


Kata Pengalo – Ngalo Ras Momo



Turang ras senina i bas Tuhanta Jesus Kristus, selaku serayan Tuhan, ikataken kami mejuah-juah ras Selamat Wari Minggu man banta kerina. Man bandu kekelengen kami si sekali enda denga erkebaktin i bas gerejanta enda, ikataken kami mejuah-juah. Kerehenndu nambahi keriahen man banta kerina. I bas bena kebaktinta mari dage sidengkehken momo kerna perdalanen perpulungen Tuhan, bage pe rencana pelayanen gerejanta ku bas wari-wari si reh enda ([Ngogeken Momo](#)).

Kata Penaruh

=====

Turang ras senina, Minggu enda igelari Minggu Septuagesima si ertina pepitupuluhken. I bas Minggu enda ibabai kita guna nginget masa-masa ija Tuhan Jesus ngalaken percuban rikut erbage-bage kiniseran i bas IA ngelai i bas doni enda. Siinget uga Jesus icubai Iblis i padang gurun, Jesus tetap menang i bas kerina percuban. Emaka marilah kita muji ras mpebadiaken Dibata i bas kebaktinnta enda maka kita pe ipengasupNa naluken kerina percuban bas kegeluhennta.

Erkata Lonceng

(Perp. Tedis)

Rende

KEE No. 1 : 1, 2

(Serayan Kebaktin Bengket Ku Mimbar)

Kebaktin Minggu, 16 Februari 2025
Minggu Septuagesima : Pepitupuluhken

3	Votum – Salam <i>(Perp. Tedis)</i>
L	I bas gelar Dibata Bapa si mada kuasa. I bas gelar AnakNa Jesus Kristus si naluken kerina kuasa kegelapen, ras i bas gelar Kesah Si Badia si mereken gegeh guna ngalaken perbeben geluh. Penampat man banta rehna i bas Jahwe nari, sinepa langit ras doni, singkawali perberkat ras permulihta genduari nari seh rasa lalap. Amin.
P	Amin Amin Amin <i>(iendeken)</i>
4	Berita Kerna Perbahanen Ras Sura-Sura Dibata (Invocatio)
L	“Erkitekten ijagandu dirindu tetap ngikutken perintahKu alu saber, e maka kam pe Kujaga gelah terkelin i bas paksa kesusahen, e me kesusahen si nandangi reh ku belang-belang doni enda, guna nguji kerina manusia” (Ketangkasen 3 : 10). Erpalasken Kata Dibata enda, sipuji IA alu radu ras ngendeken : KEE No. 388 : 1, 2, 3
5	Berita Kerna Keleng Ate Tuhan <i>(Perp. Kundul)</i>
L	Jesus enggo naluken kerina percuban guna engklini manusia i bas kuasa dosa nari. Emaka gelah tetap kita i bas kemenangan Kristus, nina Tuhan : “Kelengilah Tuhan Dibatandu asa ukurndu, asa tendindu, dengen asa gegehndu lit. Enda me perintah si mbelinna dengen si pentingna. Si peduaken bali ras si ndai e me, ‘Kelengilah temanndu manusia bagi kam ngkelengi dirindu.’ Kerina undang-undang agama si ibereken Musa ras nabi-nabi erpalasken duana perintah enda ndai kap.”
P	Ipuji kami Kam Tuhan, i bas kinigengengenNdu ngalaken percuban. Kam me Dibata si meteruk ukur, la Kam ngukurken DiriNdu saja, gelah kami terkelin.
L	Sipuji Dibata erkitekten perbahanenNa alu ngendeken : KEE No. 177 : 1, 2, 3

6	Pengakun Diri Kerna Kinilangasupen Ndalanken Kegeluhen Si Mbaru
L	<p>Turang ras senina, kenca si idah keleng ate Jesus i bas ngalaken percuban, marilah si orati pusuhta, kerna kinigenggenta i bas ngikut Jesus.</p> <p style="text-align: center;"><i>(Paksa Teneng)</i></p> <p>L Marilah siakuken dosanta, i lebe-lebe Dibata, nintalah i bas pusuhta sekalak-sekalak :</p> <p>Ngaku kami O Tuhan, adi ipergermetken kami perdalenen geluh kami, megati kami la megenggeng dengen setia, bagi Kam megenggeng dengen setia i bas ngalaken percuban.</p> <p>Megati kami la nggit mereken kiniliten kami guna kiniulin teman kami, bagi Kam enggo mereken diriNdu guna kiniulin geluh kami Ngaku kami Tuhan, maka kami kalak perdosa, bagi biri-biri si enggo lalar, bene kami i bas ngayaki sura-sura kami. Labo kami metunggun ngaloken keleng ateNdu. Aemilah kami O Tuhan.</p> <p>Mari sipindo pengalemi dosa idur Dibata nari alu ras kita rende i bas : KEE No. 222 : 1, 2, 4</p>
7	Padan Dibata Guna Ndalani Kegeluhen Si Mbaru <i>(Perp. Tedis)</i>
L	<p>Tuhan e perkuah dengen perkeleng kap, la pedas IA merawa. IA dem alu keleng ate si tetap. Labo kita iukumNa sue ras dosanta, labo IA erbalas man banta sue ras kesalahenta. Emaka, selaku persuruhan Dibata aku nehken kataNa man banta kerina si ngakuken dosa ras kesalahenna, dengen jera i bas dosa ras kesalahenta nari, niNa :</p> <p><i>“Peridilah bandu maka kam bersih. Ngadikenlah erbahan kejahatan i adep-adepenKu. Olanai bahan si la mehuli, tapi erlajarlah erbahan si bujur. IperidiNa kam maka bersih bagi salju. Aminna gia erkiteken dosandu kam enggo mbiring bagi tengguang, mulihi kam jadi mbentar bagi kapas” Amin.</i></p> <p>Sipuji Tuhan i bas pergegeh si enggo iberekenNa man banta arah ende-endenta : KEE No. 184 : 1, 2, 3</p>

8	Kata Dibata <i>(Perp. Kundul)</i>
a	<p>Marilah sibegiken Kata Dibata si man ogenken ibas Minggu enda sini ibuat ibas Kitab Masmur 27 : 1 - 6. Mari siogeken secara pegancih. Sibenaken pengogenta</p> <p style="text-align: center;"><u>Pertoton muji TUHAN</u></p> <p>27:1 I bas Daud nari. TUHAN kap terang kegeluhenku IA kap si L ngkelini aku la lit si kubiarken TUHAN kap bentengku, e maka la aku gentar.</p> <p>27:2 Tupung kalak jahat nerang aku dengen ibunuhna atena aku, P tertuktuk ia jenari guling.</p> <p>27:3 Aminna pe aku ikepung tentera si nterem, la mbiar aku. Aminna pe L musuh reh ngelawan aku, aku tetap erpengarapen man Dibata.</p> <p>27:4 Sada ngenca pemindonku man TUHAN, sada ngenca sura- P surangku e me ringan i bas Rumah TUHAN kidekah geluhku guna nggejapken kiniulin TUHAN dengen mindo gelah itegu-teguNa.</p> <p>27:5 Tupung paksa kesusahen TUHAN si ngkawali aku, ibunikenNa L aku i bas RumahNa, iangkatNa aku ku das deleng batu.</p> <p>27:6 Genduari menang aku naluken imbang-imbang i sekelewetku; e P maka alu surak-surak si meriah kupersembahkan persembahen pengataken bujur i bas RumahNa. Jenari rende aku muji TUHAN.</p>
	<p style="text-align: center;">Ketuahen kalak si megiken kata Dibata, dengen si makekenca ibas geluhna si teptep wari. Haleluya.</p> <p style="text-align: center;">Ialoi perpulungen alu ngendeken :</p> <p style="text-align: center;"><i>Haleluya</i></p> <p style="text-align: center;"><i>Haleluya</i></p> <p style="text-align: center;"><i>Haleluya</i></p>

<p>b</p> <p>c</p> <p>d</p>	<p>Ertoto guna Khotbah</p> <p>Khotbah : Lukas 4 : 1 - 13. Tema : “Jesus Ngeanami Percuban”</p> <p>Ertoto kenca khotbah</p>
<p>9</p>	<p>Pengakun Kiniteken <i>(Perp. Tedis)</i></p> <p>Aku tek man Dibata Bapa si la ersibar kuasaNa, si nepa langit ras doni.</p> <p>Aku tek man Yesus Kristus anakNa si Tonggal Tuhanta, si jadi arah Kesah si Badia, tubuh i dur singuda-nguda nari si so keliamen, tergelar si Maria, si ngeanami kiniseran sangana pemerintahen Pontius Pilatus, nipakuken ku kayu persilang, mate je nari ikuburken, nusur ku doni kematen, peteluwariken enggo keke ibas si mate nari, nangkih ku surga, perkundulna arah kemuhen Dibata Bapa si la ersibar KuasaNa, je nari reh me IA pagi ngeranaken si nggeluh ras si enggo mate.</p> <p>Aku tek man Kesah si Badia, janah lit sada Gereja si Badia, persadan kalak si Badia, pengalemi dosa, kinikeken kula, kegeluhen si rasa lalap.</p> <p>Amin.</p>
<p>10</p> <p>L</p>	<p>Persembahen <i>(Perp. Kundul)</i></p> <p>Sikataken bujur dage man Dibata i bas lias ras perbahanenna man banta. Kata Dibata si jadi palas i bas kita nehken persembahen pengataken bujur, niNA :</p> <p><i>“O senina-seninangku, nginget perkuah ate Dibata si mbelin si isehkenNa man banta, kupindo man bandu: Endeskenlah kulandu man Dibata saja selaku persembahen si nggeluh rikutken si ngena ateNa. Sabap bage me arusna kam ersembah man Dibata sue ras biakndu selaku mahluk si rukur” (Roma 12 : 1).</i></p> <p>Tupung sisehken Persembahenta, ras kita rende i bas :</p> <p>KEE No. 289 : 1, 2, 3</p> <p>Pertoton Persembahen ras Syafaat</p>

11	Perpadanen Man Dibata <i>(Perp. Tedis)</i>
L	Enda me undang-undang Tuhan : “Kelengilah Tuhan Dibatandu asa ukurndu, asa tendindu dengen asa gegehndu lit. Si peduaken bali ras si ndai e me, ‘kelengilah temanndu manusa bagi kam ngkelengi dirindu.”
P	Erpadan aku O Tuhan, kukelengi me Kam, lebihen asangkan kai pe bas doni enda, kukelengi me Kam, arah engkelengi temanku manusia.
L	Sipeteguhi perpadannta man Dibata alu ngendeken : KEE No. 425 : 1, 2, 3
12	Pertoton Tuhan
13	Pengutusen ras Pasu-Pasu Dibata
L	Bengketlah kegeluhenndu, saksikenlah man kerina jelma maka kam anak-anak Dibata, janah alokenlah pasu-pasu idur Dibata nari : <i>“KekelengenKu la ersibas ngarak-ngarak geluhndu. IkawaliNa kam, ipegegehiNa ras ipasu-pasuNa me kam si ndalanken si ngena ateNa. IA sinjamin ras nikapken keperlundu. La kam kekurangan janah IA tetap ras kam seh ku kedungen jaman”. Amin.</i>
	Ialoi perpulungen alu ngendeken : A..min A....min Amin
	<i>SELAMAT HARI MINGGU/SYALOOM.....</i>